

中华野史



中华野史

(卷十二)

清朝 卷(下)



三秦出版社

图书在版编目 (CIP) 数据

中华野史/《中华野史》编委会编著. —西安: 三秦出版社, 2000.5

ISBN 7-80628-390-0/K·146

I. 中… II. 中… III. 中国-野史-通俗读物
IV. K204.5

中国版本图书馆 CIP 数据核字 (2000) 第 07614 号

中华野史

出版发行 三秦出版社

新华书店经销

社 址 西安市糖坊街俭家巷小区副 3 号楼

电 话 (029) 7264325 7263801

邮政编码 710003

印 刷 仰山印刷厂

开 本 787×1092 1/16

印 张 690

字 数 13000 千字

版 次 2000 年 5 月第 1 版

2000 年 5 月第 1 次印刷

印 数 2000

标准书号 ISBN 7-80628-390-0/K·146

定 价 2580.00 元



目 录

卷十二、清朝卷（下）

藤阴杂记	(10085)
乡曲枝辞	(10149)
熙朝新语	(10166)
蕉廊胜录	(10250)
眉庐丛话	(10364)
续眉庐丛话	(10456)
清代野记	(10488)

帝 王 秘 闻

清世祖顺治帝	(10562)
幼年登基的内幕	(10562)
宫廷斗争内幕揭秘	(10564)
顺治帝与两皇后的恩恩怨怨	(10571)
生死之恋	(10574)
顺治帝出家	(10581)
痴情天子	(10586)
清圣祖康熙帝	(10589)
通向皇帝之路	(10589)
铲除鳌拜	(10593)
康熙帝与孝庄皇太后	(10598)
康熙帝废立嗣内幕	(10602)
康熙帝不近女色?	(10615)
失败的父亲，杰出的君主	(10616)
清世宗雍正帝	(10619)
雍正登基前的成长秘闻	(10619)
皇宫斗争内幕	(10638)



雍正私生活秘闻	(10645)
清高宗乾隆帝	(10655)
康熙的“宠孙”	(10655)
宫廷斗争秘闻	(10661)
乾隆私生活揭秘	(10668)
乾隆和皇妃们的秘闻	(10672)
清仁宗嘉庆帝	(10674)
嘉庆成长秘史	(10674)
皇宫斗争内幕寻踪	(10676)
嘉庆和皇妃们的秘史	(10685)
清宣宗道光帝	(10689)
称帝前的秘闻	(10689)
宫廷斗争内幕揭秘	(10695)
妃子钮祜禄氏秘闻	(10698)
清文宗咸丰帝	(10700)
咸丰帝登基前的幕后	(10700)
宫廷斗争内幕	(10704)
咸丰与皇妃	(10711)
暮年秘闻	(10715)
清德宗光绪帝	(10719)
幼童皇帝秘闻	(10719)
光绪宫廷生涯揭秘	(10724)
光绪私生活秘闻	(10736)
清宣统帝溥仪	(10744)
末代皇三岁登基	(10744)
袁世凯拥兵逼宫	(10745)
辫子帅张勋复辟	(10746)
满清覆灭	(10747)
遵祖制皇上完婚	(10749)
满洲傀儡皇帝	(10750)
末代情怨	(10752)
两贵人两种结局	(10756)
琴瑟相谐	(10760)
窃国大盗袁世凯	(10764)
北洋军阀之父	(10764)
玩弄权术	(10767)
总统府内争斗内幕	(10773)
袁世凯与其妻妾们	(10785)
暮年生活	(10789)



后 妃 隐 密

艰辛尴尬一皇后——庄妃	(10794)
册封	(10794)
劝降	(10795)
辅佐儿子登基	(10796)
下嫁	(10798)
定都北京	(10799)
呵护幼主	(10802)
康熙孝顺	(10803)
辞世慈宁宫	(10805)
千古痴情的董妃	(10807)
受宠	(10807)
短命	(10808)
皇帝出家之谜	(10809)
西域美人香妃	(10813)
传说香妃 香妃越传越香	(10813)
战火生涯 自幼企盼和平	(10814)
窈窕温顺 容妃宫内受宠	(10814)
魂归真主 终前全为他人	(10816)
香魂何处 扑朔迷离堪寻	(10816)
垂帘听政的慈禧	(10820)
初入禁宫	(10820)
攫取权力	(10821)
再度垂帘	(10823)
扼杀变法	(10825)
丧权辱国	(10826)
穷奢极欲	(10827)
太后淫乱	(10830)
生命终结	(10832)

名 臣 名 相

军族豪臣鳌拜	(10836)
屡立战功	(10836)
夹缝之内	(10838)
受命辅佐康熙帝	(10841)
专横跋扈	(10844)



排除异己固党羽	(10847)
阴谋篡政	(10849)
康熙智擒鳌拜	(10851)
古今首贪和珅	(10854)
机缘巧附青云	(10854)
宦途弄风云	(10861)
致富良方	(10866)
和珅跌倒 嘉庆吃饱	(10873)
大权监安德海	(10880)
初识那拉氏	(10880)
借辛酉政变 以飞黄腾达	(10881)
干预朝政	(10884)
伏诛于历城	(10887)
第一太监李莲英	(10891)
鞋铺贫童 变成后宫贵人	(10891)
累受封赏	(10893)
无耻勒索富商	(10895)
毒死了慈安	(10896)
横行乡里之中	(10898)
身首异处的结局	(10899)

名 妓 名 女

秦娘守贞	(10904)
金玉奴香消秦淮	(10908)
红颜薄命——吴朝霞	(10912)
潮州名妓濮小姑	(10915)
金陵俏人素娟	(10917)
烟花奇女魏月波	(10919)
秦阿香显灵报冤	(10924)
名震秦淮——赛金花	(10929)
嫁给状元郎	(10929)
连克两夫	(10932)
妓女报国	(10933)
凄凉晚景	(10935)

当 朝 要 案

山阳县令毒杀监察大员案	(10938)
-------------------	---------



顺天府科场舞弊案	(10942)
千古之谜刺马案	(10945)
哑女案	(10949)
云落店惨案	(10951)
康陈氏自缢之谜	(10955)
七太监案	(10957)
和尚风流案	(10959)
绣鞋疑案	(10965)
杨乃武与小白菜案	(10969)
杨月楼与韦阿宝案	(10972)
江南科场案	(10975)
康雍乾间文字之狱	(10978)
庄廷钺之狱	(10978)
戴名世之狱	(10979)
查嗣庭之狱	(10979)
陆生楠之狱	(10981)
曾静、吕留良之狱	(10986)
谢济世之狱	(10995)
胡中藻之狱	(10996)
风水先生煽动谋反案	(11001)
“伪奏稿”案	(11006)
白华庵三尼姑之死案	(11009)
贡玉奇案	(11016)



藤阴杂记

〔清〕戴璐 撰

序

余弱冠入都，留心掌故，尝阅王渔洋《偶谈》、《笔记》等书，思欲续辑。于是目见耳闻，随手漫笔。及巡视东城，六街踏遍，凡琳宫梵宇，贤踪名迹，停车咨访，笔之于书。甲寅，读礼闲居，重加芟削。见《旧闻考》、《宸垣识略》已载者，悉去之。汇存十二卷，固不若说鬼谈狐令人听而忘倦也。寓移槐市斜街，固昔贤寄迹著书地。院有新藤四本，渐次成阴，恒与客婆娑其下。爰仿渔洋《香祖》之例，即以名之。嘉庆丙辰阳月，吟梅居士戴璐。

卷 一

王弇州及徐应秋《玉芝堂谈荟》，俱记有明盛事，王渔洋《池北偶谈》、《香祖笔记》，载止康熙中叶。今将本朝盛事，续录于左：

父子大拜：桐城张文端公英，次子文和公廷玉。常熟蒋文肃公廷锡，子文恪公溥。无锡嵇文敏公曾筠，子文恭公璜。

父子一品：商邱宋文康公权大拜，子萃吏部尚书。海宁陈清恪公诰礼部尚书，子文勤公世倌大拜。钱塘徐文敬公潮吏部尚书，子文穆公本大拜。诸城刘文正公统勋大拜，子墉今吏部尚书大拜。富阳董文恪公邦达礼部尚书，子诰今户部尚书大拜。

父子兄弟九列：桐城张文和公弟廷璐戊戌榜眼、礼部侍郎，廷琢工部侍郎；文和子若霭、若澄俱内阁学士，若淳刑部侍郎。静海励文端公杜讷刑部侍郎。子文恭公廷仪刑部尚书，孙宗万刑部侍郎。钱塘徐文穆公弟杞甘肃巡抚，子以烜礼部侍郎。武进刘文定公纶大拜，子跃云礼部侍郎。休宁汪文端公由敦吏部尚书，子承霈户部侍郎。嘉兴钱文端公陈群刑部侍郎加尚书衔，子汝诚户部侍郎。溧阳史文靖公貽直大拜，子奕昂兵部侍郎。蔚州李



旭升吏部侍郎，子周望礼部尚书。阳城田文端公从典大拜，子懋吏部侍郎。钱塘梁文庄公诗正大拜，子敦书工部侍郎。临川李绂户部侍郎，孙友棠工部侍郎。安溪李文贞公光地大拜，孙清植礼部侍郎，曾孙宗文工部侍郎。南昌熊一潇工部尚书，孙学鹏兵部侍郎。广昌魏方泰刑部侍郎，子定国吏部侍郎。常熟蒋文恪公子櫛兵部侍郎，赐棨户部侍郎。大兴黄叔琳吏部侍郎，子登贤漕运总督。海丰吴绍诗礼部尚书，子垣吏部侍郎，垣同时为刑部侍郎，涪州周文恭公煌兵部尚书，子兴岱礼部侍郎。光州胡文良公煦礼部侍郎，子季堂刑部尚书。桐城方恪敏公观承直隶总督。子维甸副都御史。若八旗名臣硕辅，恒出一门，史不胜数，未敢率记。

兄弟翰林同时九列：前则昆山三徐、华亭三王，已见《池北偶谈》。今则南汇吴省钦工部侍郎、省兰内阁学士，满洲铁保礼部侍郎、玉保吏部侍郎。

同胞三及第：昆山徐氏而后，惟武进庄存与乙丑榜眼，弟培因甲戌状元。

同邑一榜及第：康熙己未榜眼孙卓、探花茆荇馨，俱宣城人。壬辰状元王世燾、探花徐葆光，俱长州人。乙未状元徐陶章、榜眼缪曰藻、会元传胪李锦，俱苏州人。雍正庚戌状元周霨、探花梁诗正，俱钱塘人。乾隆壬戌榜眼杨述曾、探花汤大绅，俱武进人。乙丑状元钱维城、榜眼庄存与，俱武进人。

翁婿状元：鼓大司马启丰丁未状元，婿庄培因甲戌状元。金少宗伯姓壬戌会状，外孙汪如洋庚子会状。

鼎甲三人同时八座：康熙癸丑状元韩大宗伯，榜眼王大司农鸿绪，探花徐侍郎秉义。乾隆乙丑状元钱少司寇，榜眼庄少宗伯存与，探花王大司农。越十余年，会元蒋少司马元益，以侍御历侍郎。一时称盛。文敏未几卒于家，文庄师卒于位，庄公休归即卒。独蒋少司马年八十余。

乾隆丙辰榜眼黄孙懋，五年即擢阁学而卒。探花秦大司寇，状元金总宪德瑛，传胪蔡中堂新，二甲二名曹大宗伯俱官一品。金、秦俱六十外卒，漳浦以宰辅致仕。十年，重宴鹿鸣，年已九十。

祖孙父子同科：江西奉新甘庄恪汝来，官巡抚时，父万达、弟汝逢、子禾，雍正丙午同举于乡。封公后官知县，不受冢宰封诰，亦奇。

父子同登进士：乾隆己未，乌程费瀛，子兰先。甲戌，嘉善周翼洙，子升桓。辛己，大兴邵自镇，子庾曾。前此未查。若父子同科及同胞同举尚多，不及录。

同胞同登进士：顺治丙戌，胶州法若真、若贞。己丑，乌程姚延启、延著。康熙丁未，宜兴储方庆、善庆。庚戌，福山鹿廷瑛、廷瑄。丙辰，归安沈涵、三曾。联名入翰



林：己丑，长洲张学庠、学贤。大兴黄叔琬、叔璫。乙未，长洲李锦、文锐。乾隆丁巳。归安潘汝诚、汝龙。戊辰，涿州刘湘、洵。己丑，山阴沈诗李、诗杜。壬辰，咸宁贾策安、策治。戊戌，大兴邵自昌、自悦。丁未，灵石何元煊、道生。乙卯，吾郡王以鎔中会元，第二名即胞兄以銜。廷对状元，则前此所未有。嘉庆丙辰，南昌许庭椿、应喈。

同胞三同甲：康熙辛丑，宜兴储大文会元，弟郁文、雄文同榜。

同胞五登甲科：大兴金澍、溶、潢、洪、浚，门县“五子登科”额。同年邵楚帆侍御自昌，弟自华、自悦、自本、自和、自巽、自彭，则六正榜一副榜。代州冯履咸、履泰、履谦、履豫、履丰，亦同胞。

祖孙会状：康熙丙辰彭定求，雍正丁未彭启丰。亦无继者。

父子鼎甲：溧阳任兰枝，癸巳榜眼，子端书，丁巳探花。镇洋汪廷珩，戊辰探花，子学金，辛丑探花。

己亥江南解元钱棨，辛丑会状。翁阁学作三元诗，德定圃师和韵。赵云崧翼作三元考，谓张又新、崔元翰，孙何、王曾、宋庠、杨置、王岩叟、冯京，孟宗献，王宗哲，商辂，及钱而十二。

重赴琼林：康熙己未赵执信、王材任，俱于乾隆己未称前后同年。辛未黄侍郎叔琳，庚辰史文靖，丙戌熊编修本，庚戌嵇文恭亦然。丙辰蔡中堂未及来京。

王文恭公项龄，举康熙癸卯乡试，雍正癸卯重赴鹿鸣，作公宴诗。黄侍郎庚午重赴，即次其韵。辛未又次韵重赴鹿鸣。康熙丁酉侯官郑开极，乾隆丁卯钱塘周天相，丙子归安吴大炜，壬午永福黄任，甲午霸州孟琬。近年己酉科，云南赛珣，年九十二。浙江吴编修嗣富。壬子，福建三人：大学士蔡新，年八十六。陈材年八十八。邱理德年八十三。湖北御史万年茂，前壬子解元，年八十六。湖南石鹏翥，年八十一。谭昌明年八十六。乙卯，冯侍御浩以丙辰举人，年七十七，奏请预宴。湖北陈编修中龙。年八十九。云南沈咏、孙似茗，俱官知县，年八十外。

国朝年少登第：顺治丁亥王文靖熙。年二十，乙未伊文端桑阿，年十六。戊戌陈文贞廷敬，年二十。康熙己未李丹壑孚青，年十六。辛未黄昆圃叔琳，年二十。庚辰史文靖，年十九。壬辰舒大成。年十八。辛丑励少司寇宗万，年十七。雍正庚戌嵇文恭，年二十。

乾隆朝年少登第：丁巳德定圃师，年十九。己未蒋麟昌，年十九。乙丑梦侍郎麟，年十八。戊辰朱大司马珪，年十八。壬申熊恩绂，年二十。甲戌戈太仆源，年十九。丁丑彭绍升，年十八。辛巳秦中丞承恩，年二十。丙戌祥布政弼，年二十。甲辰蒋编修攸钰、文学士宁，俱年十九。



教官金榜挂名且中状元：明惟翁正春一人，称盛事。乾隆辛巳王韩城，蓝田教谕。辛卯榜眼王增，申临安教谕。丁未状元史致光，由汤溪教谕；嘉庆丙辰榜眼汪守和，由新喻教谕。

一省三鼎甲：顺治丁亥，吕宫武进人，程芳朝桐城人，蒋超金坛人。戊戌，孙承恩常熟人，孙一致盐城人。吴国对全椒人。己亥，徐元文昆山人，华亦祥无锡人，叶方蔼昆山人。康熙癸丑，韩莢长洲人，王鸿绪娄县人，徐秉义昆山人。己未，归允肃常熟人，孙卓、茆荇馨俱宣城人。己丑，赵熊诏武进人，戴名世桐城人，缪沅泰州人。雍正庚戌，周霁钱塘人，沈昌宇秀水人，梁诗正钱塘人。乾隆庚戌，石韞玉吴县人，洪亮吉阳湖人，王宗誠青阳人。

顺治己丑新进士即用道府二十余人，分发两广。止此一科，后不为例。

解元状元：康熙甲戌，胡任舆，辛酉解元。乾隆辛未，吴鸿，丁卯解元。辛丑会状钱棨，己亥解元。康熙初，解元中进士无不入翰林者，今不尽然。

大宗伯德定圉师，乾隆癸未、己丑、庚子、辛丑、甲辰五典会试。韩城王中堂，乾隆己未、戊戌、丁未、己酉、庚戌五典会试。前此惟孝感熊文端公赐履，康熙癸丑、甲戌、丁丑、庚辰、癸未五典会试。少宗伯介师，乾隆辛未、甲戌、丁丑、庚辰四典会试。诸城刘文正公统勋，乾隆辛未、丁丑、辛巳、辛卯四典会试。高阳李文勤公鼐，顺治戊戌、康熙甲辰、丙辰三典会试。泽州陈文贞公廷敬，康熙壬戌、辛未、癸未三典会试。桐城张文和公廷玉，雍正癸卯、甲辰、乾隆丁巳三典会试。溧阳史文靖公貽直，雍正甲辰、丁未、乾隆乙丑三典会试。

《池北偶谈》汉阁臣：康熙朝，江南宋、徐、张、李、张五人。后太仓王公掞，华亭王文恭公頊龄，山西沁州吴公。后泽州陈文贞公廷敬，福建则安溪李文贞公光地，四川遂宁张文端公鹏翮，直隶各省无续拜者。雍正朝江南三人，桐城张文和公廷玉，在位二十余年，常熟蒋文肃公廷锡，无锡嵇文敏公曾筠，浙江海宁陈文简公元龙，江西高安朱文端公轼，山西田文端公从典。乾隆朝，江南溧阳史文靖公貽直，常熟将文恪公溥，武进刘文定公纶，金坛于文壤公敏中，武进程文恭公景伊，无锡嵇文恭公璜，浙江钱塘徐文穆公本，海宁陈文勤公世倌，钱塘梁文庄公诗正，会稽梁文定公国治，仁和孙公士毅，山东泰安赵公国麟，诸城刘文正公统勋，广西临桂陈文恭公宏谋，福建漳浦蔡公新，陕西韩城王公杰，浙江富阳董公诰。

尹文端公四督两江，甲申四月八日，七十生辰拜相，仍督两江。袁子才枚为公门生，呈诗云：“紫禁城头驻玉车，宫闱深处女儿家，万钉宝带天边赐，十部笙歌宅里哗。北面公侯争把盏，东床帝子替簪花。休夸与佛同生日，转恐光荣佛尚差。”又：“韦平两世黄扉业，伊吕三朝白发身。”“儿童竹马头成雪，官舍甘棠树拂天。”“新筑沙堤迎使节，刚调梅



雨到江村。”文端纪恩十绝。其三云：“旧沙堤子上筑新沙，如此光荣有几家。说与儿孙须努力，两朝父子领黄麻。”

杭州王峨山正功，出入省闕二十年，每人直，辄搜考档案，勒成一书，名《中书典故汇纪》。其目有六：曰官制、曰职掌、曰仪式、曰恩遇、曰建置、曰题名，而以杂录终焉。杭世骏作序。阮吾山司寇葵生留心掌故，恒以在阁未久，未乃遍阅档案为憾。

汪厚石孟錡久困公车，壬午，召试中书，初到内阁口号云：“陈人久叹积薪余，乍许清班学步趋。猎猎西风敝裘帽，东华门外唤车驱。”“静听阁老马蹄声，侍读诸公白事迎。我自田间来几日，慎教轻易上阶行。”“六科书吏立如麻，齐下三单卅点加。埽笔纷纷忙注本，日轮眼急下东华。”“乾清门侧档初交，匡视看人唤打包。枯坐今朝拚守晚，领归谕折件传抄。”“御门闻道特除官，朱笔题名敬奉观。别有改签更式样，传宣票拟细寻端。”“轮班辰入退过申，来是空言两隶人，莫怪此间无洒埽，禁城清绝不生尘。”典籍厅任事八首云：“六年历俸八年资，又向西厅坐褥移。一转成仙人共笑，遑回不去待何时。”“寂寞茶房淡泊厨，喧然吏役日高初。各堂上任夸谁似，一饱猪羊祭库余。”“画行事细粗能晓，点卯人多猝未详。夜直若非连两夜，军机须去面中堂。”“印单印簿缝铃存，启钥开箱昼继昏。始识相公多摄事，十才一二本衙门。”“掌印帮班等样官，平明满汉一厅攢。考勤簿子亲书押，要送兼厅侍读看。”“北厅章奏南厅案，大库文书小库银。承发散班齐了事。瓣香酹酒祭科神。”“宝箱例引赴乾清，肃驾年年黄据征。接送预行交泰殿，奉盈一念警宵兴。”“办事衙名不自由，背推踵接此勾留。莫将五日轻京兆，尚许笞人唤皂头。”丙戌进士，官吏部，未几卒。

蒋荅生士铨，甲戌考取中书，夜直诗：“朝衣墨渍带酸寒，谁唤仙郎上界官。海内封章留硯北，天边纶綵在毫端。昼特襍被花同宿，人散黄扉月自看。那似鸣机图画里，小窗灯火坐团圞？”的是一人独直情事。

徐中丞士林，康熙癸巳进士。初官中书时，有句云：“归来惹得山妻问，侍女薰香近有无。”后由部郎历官江苏巡抚，方正最著。没，祀贤良。官苏臬，对云：“看阶前草绿苔青，无非生意；听墙外鹃啼雀噪，恐有冤魂。”仁人之言，历久未沫。

内阁大堂西槐树，会试年鹊结一巢，则中书得鼎甲一人。乙未，结数巢，则状元吴锡龄，榜眼汪鏞，探花沈清藻，会元严福，皆中书。吴、沈次年卒，严官亦未显。今惟汪编修存。中书会试必有中者。乙卯止中一人，丙辰无之。

吏部、翰林院、礼部、国子监土地俱祀韩昌黎，未知所自。赵瓯北翼入翰林，诗以解嘲云：“瀛洲署中坎社鼓，社公传是韩吏部。建置本末无可征，肇祀不知意何取。从来名贤歿为神，各视生平所建竖。或班侍郎居碧落，或册真人位紫府；或选阎罗分殿十，或封遮须列爵五。鬼官司命周顓除，太阳都录魏征补。白传已列蓬莱仙，曼卿更拜芙蓉主。况主日星河岳气，立朝大节炳千古，绝脉能开道学先。余事亦号文章祖。抗疏几碎佛氏骨，



从祀不惭宣圣庠。岂宜罚作土地神，坐使淮阴吟为伍。屈宋诂称衙官职，乐却翻充皂隶户。生前磨蝎坐命宫，曾谪岭南鲛鳄浦。庸知身后尚蹭蹬，无端又遭左迁侮。乡先生可祭于社，此土初非公故土。即云立社为乐公，公未久修史馆簿。区区冷官一膺肉，岂足为公增华廛。我来展谒聊解嘲，且勿牢骚硕人侮。幸未改塑浮屠像，儒服依然端章甫。香火祠虽处末僚，翰墨缘仍近艺圃。犹胜杜陵老拾遗，变作十姨呼阿姥。”

史文靖公，康熙庚辰年十九，馆选后归娶，绘《玉堂归娶图》，征诗，袁子才枚亦己未馆选归娶，题文靖图云：“愧作彭宣拜后堂，绝无衣钵继安昌。算来只有归迎事，曾学黄粱梦一场。”吾湖丁巳沈庶常云蜚，亦翰林归娶，未几歿于京邸。袁赋挽诗，而乡人有不能举其姓氏者矣。

乾隆七年，编检侍班，始挂朝珠。商宝意盘诗云：“一现牟尼五色重，陆离婉转正当胸。欲宣梵呗酬君德，百八珠随百八钟。”螭坳鹄立两班瞻，中宪俄惊秩骤添。从此披香案前吏，果然仙佛一身兼。”想是时四品方挂，五品尚不得云。

刘文定公以武进廪生，丙辰二十六岁擢博学宏词第一。廷试“五六天地之中”合赋，诸征士不解所出，公独挥翰如飞。张文和公故晚公卷，对众朗吟。始共得题解。诗题《山鸡舞镜》，有句云：“似拟投林方戢戢，可能对语便关关。”一时传诵。时沈归愚宗伯同试，未第。俯首曰：“吾辈头颅如许，乃不如白面后生，得不愧死！”

武进庄本淳学士培因，少负才华，不作第二人想。乾隆乙丑，令兄方耕少宗伯存与以第二人及第，学士赋诗调之，落句云：“他年令弟魁天下，始信人间有宋祁。”果中甲戌状元。馆课《夏云多奇峰》有“天际落芙蓉”句，颇自矜诩。未几，卒。此与蒋菱溪麟昌“羊灯无焰三更碧”句，同一诗讖。甲戌会榜，庄中第三句，第一胡绍鼎，第二朱棻元。庄为彭芝庭尚书婿，尚书笑谓曰：“君当作状元，不见榜头书鼎元庄耶？”一时语慧，遂成佳讖。二则见《炙砚琐谈》。

阮吾山少司寇葵生，与秦通政获江清同保台谏，同日补授。二公皆壬申乡举。秦问阮曰：“君南榜名第几？”阮曰：“五十三。”秦讶然曰：“予列陕榜亦五十三名。”秦又言：“辛未偶取丁卯贾天禄、庚午萧克明朱卷读之，皆五十三名。戏谓予亦欲中五十三名，已而果然。”又通政胞兄浩生，中癸酉五十二名。戏谓：“迟弟一岁，高弟一名。”获江曰：“高弟一名，毕竟迟弟一岁。”

宜兴陈其年维崧，年四十余，尚为诸生。有日者谓曰：“君过五十，必入翰林。”梅杓司磊赠诗：“朝来日者桥边过，为许功名似马周。”己未，果以鸿博授检讨。年五十六。

名士晚达：康熙丁丑，姜西溟宸英七十三中探花。癸未，王楼邨式丹五十九会状。官恕堂鸿历五十八、查他山慎行五十四、己丑何端简世璠五十八、壬辰胡文良煦五十八、乙未裘琏七十二、辛丑陆坡星奎勋五十九，俱入翰林。乾隆丙辰，刘起振八十岁授检讨。己



未，沈归愚尚书六十七入翰林。癸丑，吴贻咏五十八岁中会元，入翰林。嘉庆丙辰，元和王岩八十六岁中式，尚未殿试。

高江村士奇，钱塘诸生，年十九，贫，至京师，卖文自给。新正为人书春帖子，自作联句，偶为圣祖御览，召见，授录事。年三十二，有“空对西风叹二毛”之句，遂改中书，擢侍讲。不数年，晋宫詹，放归。起用，歿，谥文恪。

励近公杜讷，静海岁贡。年六十，选授州同。会三殿三门禁扁书未工整，人荐书扁，合式，遂授编修。七十二岁，开坊升侍郎，赠尚书。亦谥文恪。二公不由科目，遭际亦同。

孙松坪致弥，嘉定人，耿都尉荐，以布衣赐三品服，充朝鲜采诗使，士论荣之。康熙戊辰，入翰林，旋以连染下狱。起用，升学士而卒。亦儒生荣遇。

顺治丙戌会试，杜月湖芳以庶吉士同考，得魏柏乡裔介卷，已拟第一，后改十二名。李夷棠本十二名，改第一。月湖评魏文，拟之以苏长公，果居揆席。而月湖分校次年即卒。柏乡作志铭述之。

本朝直隶状元，自雍正甲辰陈大宗伯德华始。封翁梦神人赠松柏两株，桂花一枝。吟诗以纪。有“庭树两株邀祖德，天香一瓣续孙枝”之句。长子德荣、少子德正俱以进士官藩臬。宗伯登上第。年八十三而卒。

范浣浦咸，雍正癸卯联捷，入翰林。先是，梦得泥金贺帖，有“齐第五”三字，乡会首题第五字皆齐字。咸安营学生向少科第，浣浦谪官充教习。丁巳，观补亭、德定圃先生、李质颖、诺敏皆联捷，馆选一时称盛。

雍正己酉、壬子、乙卯三科，乡试聘邻省举人同考。浙江钱湘人琦，出福建举人林瑞泉房，丁巳入翰林，乙丑同考。林于乙丑成进士。出张太史映斗房，钱于填榜时，即认张为太老师。出闱，率所中会元蒋元益、状元钱维城等谒林，同年而称太老师。蒋与林又己酉同年。一时传为佳话。林归班，终于蜀令。

嘉庆己未会试，中二百九名。翰林七十人，部属八十人。同胞同榜者，满洲廉善、能；大兴俞恒泽、润，原籍德清。状元姚文田，吾乡名士，牖传前夜，有人梦迎天榜，有“人心易昧”、“天理难欺”二金牌前导状元。盖姚高祖陈臬江南，以身活千万人，阴德不浅所致。



卷 二

吏部藤花，传为长洲吴文定宽手植。王渔洋司寇《夏日有事吏部坐藤花下呈赵玉峰、王吴庐二少宰》诗：“日斜人吏散，杂坐古藤阴。时有凉风至，冷然开我襟。周行聊寄迹，丘壑共论心。尚忆延陵叟，清徽感至今。”注：“指吴文定公。”陈文简元龙任侍郎时，偕泽州相国同赋二律；乙酉大拜京察至部，又赋诗，已二十年。

宋牧仲萃由苏抚擢冢宰，咏诗云：“长洲少宰令名垂，手种藤花世共知。一片清阴连古干，三春乔木颺微飏。储才总见当年盛，好事堪为我辈师。未答恩晖兼述祖，闲厅惆怅每移时。”周渔璜起渭和诗：“竹埤槐院古藤垂，阅世苍茫不自知。浓结绣帟遮晓日，乱牵珠琲颺春飏。尚书屡叶经行地，大雅新音举世师。更上沙堤寻凤阁，紫薇花好似当时。”陈泽州和诗：“黄散功名画省诗，卅年心事故人知。回惊海内交游少，却讶天涯聚散迟。芳草长洲春去后，落花高馆夜深时。藤阴旧是栖迟地，风月今宵有梦思。”冢宰编《藤阴倡和集》。

汤西崖少宰右曾诗：“一年容易及花时，待到花开看较迟。槐柳阴中春已老，燕莺声外蝶先知。绿云片片将成幄，紫玉条条尚缀枝。三百年来遗事尽。风流留得在曹司。”又《次遂宁张冢宰韵》诗：“繁英密叶自年年，常在朱栏碧槛前。罨画溪从新竹绕，平泉潭共绿萝悬。龙蛇屈曲盘空上，麝珥丰茸压架偏。岂敢对公终不饮，惜花较似醉差贤。”

刘文定公纶为冢宰，程文恭公景伊为少宰，何公逢禧由选郎外转，旋擢侍郎。赋藤花诗，倡和成帙。选郎孟超然装成全册。文定诗云：“莎厅麗蹶见繁枝，压架阴成覆广墀。移榻相将重数典，绿天吟彻放衙时。”“采楹雨过上岫蜒，夕照低翻红欲然。案吏画叉先检校，拟芟秋莢计明年。”

商宝意盘。庚戌编修，陈情乞外，例得同知。更调江南、湖北，二十余年不调。作《白鹇吟》，云：“兹禽缀我衣，无由弭云雾。未养羽毛丰，甘遭尘土污。予秩既难迁，尔颜亦非故。见月拟开笼，归心向谁诉？”迨迁太守，诗云：“得信如逢青鸟使，迁官不唱《白鹇吟》。”

康熙辛丑，新进士看验。马墨麟维翰人本矮小，挺立不跪。提督隆科多呵之曰：“不料渺小丈夫，风骨如许！”对曰：区区不跪，尚未见维翰风骨也。”后以给事转建昌道，忤总督，直揭部科，被逮。复官常镇道而没。夙与户见曾同年，诗名有南马北卢之目。卢挽诗云：“前辈典型亡北斗，中原旗鼓失南军。”

韩春湖朝衡，杭州人，丙戌翰林，改吏部。尝填曲述司官况味，穷形尽相，一时传诵。其司嘲云：“谩道司曹，地位清高，文章收拾簿书劳，上衙门走遭。笑当年指望京官



好，到如今、低心下气空愁恼。要解到、个中辛苦耐人熬，听从头说晓。几曾见、伞扇旗锣红黑帽，叫名官从来不坐轿。只一辆破车儿代腿跑，剩有个跟班的夹垫驮包，傍天明将驴套。再休题、游翰苑三战清标，只落得、进司门一声短道。办事费推敲，手不停披目昏眊，那案情律意多用心操。还有滑继承弄笔蹊跷，与那疲贴写行文颠倒。细商量坐把精神耗，才得回堂说稿。大人的聪明洞照，中堂的度量容包。单只为、一字宽严须计较，小司官、费尽周旋敢挫挠？从今那复容高傲，免不得、改稿时颠头簸脑，说堂时垂手呵腰。西苑路迢遥，候堂官偏难凑巧；东阁事更饶，抄案件常防欠早。受用些、汗流浹背的秋阳照，沙飞扑面的冬风暴。那顾得、股颤心摇，肠枯舌燥。百忙中错误真难保，暗地里只眼先瞧。敢只望、乞面去捱些脸臊，那知到、吃雷回唬得魂销。若是例难逃，律不饶，忙检举也半边儿焦。只怕因公里误几降调，幸得霹雳声高雨点小。赶办过平安暂报。

公堂事了，拜客去、西头路须先到，约债去、东头路须亲造。急归家、栅闭沟开沿路绕。淡饭儿才一饱，破被儿将一觉。奈有个、枕边人却把家常道。道只道非絮叨。你清俸无多用度饶，房主的租银促早，家人的工钱怪少，这一只空锅儿等米淘，那一座冷垆儿待炭烧。且莫管小儿索食傍门号，眼看着、哑巴牲口无麸草。况明朝几家分子，典当没分毫。空烦扰，空烦扰！五旬外，头颅老。休嗟悼，休嗟悼！千里外，家山邈。无文貌，没相巧！怪不得办事徒劳，升官尚早，回头顾影空堪笑，把平生壮气、半向近年销。这便是、那司官行乐图儿信手描。”司慰云：“薄宦天涯，首善京华，公余随伴散司衙，任销遥似咱。便无多钱钞供挥洒，较似他、风尘俗吏殊高雅。再休为、长安清况辄嗟呀，且衔杯细话。有多少、宦海茫茫吁可怕，那风波陡起天来大，单听得、轿儿前喝道喧哗，可知那、心儿里历乱如麻，到头来空倾轧。霎时间、升美缺锦上添花，蓦地里、被严参山头落马。你我赴官衙，坐道从容尽潇洒，只照常办事便不争差。可有急公文特地行查，与那紧差使横空派下？所言公案无多寡，将依样葫芦便画。特题的才能俊雅，推升的器识清华。便只要、颈上朝珠将就挂，到其间、科道挨班分定咱。何须一等夸京察，但盼个学政儿三年税驾，试差儿一榜通家。频年俸渐加，添置些绵衣布袜；挨时米不差，穀养个车夫奶妈。一任咱、壶冰贮水消炎夏，炉煤聚火煨残腊。且落得、酿酒裁花，题诗品画。客何来几句闲谈罢，忙捧上大叶清茶。他待要、决胜负一枰对下，我还与、叶宫商弦管同抓。不用果穀嘉，器皿华，野蔬菜便似山家。尽射覆藏阄倾巨罍，直到月落参横更鼓打。且莫去和衣共榻。回看家下，满壁的、今和古书签挂，满院的、开和落花枝亚。笑相迎、子妇牵衣闲戏耍。奴婢儿多宽假，鸡犬儿无惊唬。但博得、夜眠时一枕神清暇。虽则久别家，把圣水孤山梦想遐；驢厂的香车宝马，赶庙的清歌杂耍。才看了殿春风红芍药，又开到傲秋霜黄菊花。你便道、茶园戏馆太喧哗，试与我、窯台揽胜多幽雅。况争夸燕山八景，风日倍清华。真休暇，真休暇！暗移却，春和夏。无牵挂，无牵挂！渐了却，婚和嫁。忘机诈，绝虚假。受尽老健年华，清高声价！太平时节恩光大，或京堂几转、帽顶变山查。这便是、老司官头白为郎尽足夸。”未几，由郎中擢惠潮道，告归。

员外内用，九阶方得四品，故有九转丹成之号。谓员外、郎中、御史、掌道、给事中、掌科、鸿少、光少、通参也。余惟越通参，八阶遍历，整二十年，方转四品。

赵恭毅公申乔状貌奇古，长户部时，人呼冷庙龙王。见鲍西冈《亚谷丛书》。